

KORNID

Börn eru gleðigjafar, skapandi og fróðleiksfús



Fréttabréf Akurskóla • 10. árgangur • 1. tölublað • maí 2014

Ábm.: Sigurbjörg Róbertsdóttir, skólastjóri

Frá skólastjóra

Útgáfa Kornsins, fréttabréfs Akurskóla, hefur því miður legið niðri á þessu skólaári. Nú langar okkur að prófa nýjar leiðir í útgáfunni og hafa fréttabréfið rafrænt og vonum að við getum gefið út 2-3 fréttabréf á ári framvegis.



Við höfum reynt að hafa skólann okkar mjög sýnilegan þetta árið þrátt fyrir að hið eiginlega fréttabréf hafi ekki verið gefið út.

Heimasíðan okkar er afar lifandi og fjölmargar fréttir og tilkynningar birtast þar í hverri viku. Þá stofnuðum við facebook síðu í febrúar sem er skemmtileg viðbót við upplýsingaflæði skólans. Nú eru um 250 manns sem hafa sett "Like" á síðuna en við hvetjum ykkur öll til að skoða og fylgjast með á facebook.

Í þessu fréttabréfi eru mikilvægar upplýsingar um lok skólaársins og einnig um upphaf þess næsta ásamt fréttum frá Foreldrafélagi Akurskóla.

Ég hvet alla til að mæta á aðalfund FFA 22. maí kl. 20:30 á sal skólans.

Sigurbjörg Róbertsdóttir
skólastjóri Akurskóla

Samtalsdagur 27. maí - ræðum saman um lykilhæfni

Bekkjartísi	Kennari	Nemandi
Frammistöðumat		
Hámskrárvinda		
Hámskráringar		

Bekkur / Hámsög	Fag
Þessi efni	Þessi efni

Í Akurskóla meta kennarar lykilhæfni hjá nemendum

Námsmarkmið	Lykilhæfni	A	B	C	D
1. Tjáning og miðlun. Tekur þátt í samræðum. Hlustar á aðra. Tjáir skoðanir sínar munnlega, skriflega eða á annan hátt.			B		
2. Skapandi og gagnrýnin hugsun. Sjáir frumkvæði. Bætur gagnrýni hugsun. Er skapandi við vinnu og lausn verkefna.	A				
3. Sjálfstæði og samvinna. Leitar sjálfstæðra lausna í vinnu sinni. Sjáir kurteisi í samskiptum. Leggur sitt af mörum í hópastarf. Fylgir fyrirmælum.				C	
4. Nýting miðla og upplýsinga. Miðlar upplýsingum til annarra. Nýtir mismunandi miðla til upplýsingaflunar. Vinnur vel og á gagnrýninn hátt úr upplýsingum.			B		
5. Ábyrgð og mat á eigin námi. Setur sér markmið í námi. Metur stöðu sína raunhæft í námi. Nýtir tíma sinn vel.					D

sínum í gegnum Mentor. Lykilhæfnin er flokkuð í fimm þætti: Tjáning og miðlun, Skapandi og gagnrýnin hugsun, Sjálfstæði og samvinna, Nýting miðla og upplýsinga og Ábyrgð og mat á eigin námi. Upplýsingar um

lykilhæfni má finna í Aðalnámskrá grunnskóla og á heimasíðu Akurskóla (<http://www.akurskoli.is/lykilhaefni/>).

Við ætlum að nýta okkur lykilhæfnina til að ræða við foreldra á samtalsdaginn 27. maí. Þess vegna biðjum við foreldra um að fara inn á Mentor og meta einnig þessa þætti hjá barni sínu.

Leiðbeiningar hafa verið sendar í tölvupósti.

Vorhátíð Akurskóla - 30. maí

Vorhátíð skólans fer fram 30. maí. Þar fer fram keppni á milli bekkja í ýmsum óhefðbundnum og hefðbundnum greinum. Foreldrar eru hvattir til að koma og kíkja við þennan skemmtilega dag.



Þemadagar undir berum himni 2. - 4. júní



Dagana 2. - 4. júní verður kennsla brotin upp og við sláum upp þemadögum. Þemað er Undir berum himni og verða nemendur að mestum hluta utan dyra þessa daga. Því er gott að hafa í huga að nemendur verði klæddir eftir veðri svo að allir geta tekið þátt. Mismunandi stöðvar verða í boði og er nemendum skipt eftir aldri. 1.-3. bekkur verða saman á

stöðvum, 4.-7. bekkur og því næst 8.-10. bekkur.

Bókaskil - mikilvægt

Þegar líður að sumarfríi er mikilvægt fyrir okkur í skólanum að fá inn allar bækur í

Skólaslit - 6. júní



1. bekkur kl. 8:15
2. - 3. bekkur kl. 9:30
4. - 5. bekkur kl. 10:30
6. - 7. bekkur kl. 11:30
8. - 9. bekkur kl. 12:30
10. bekkur kl. 14:00, sjá hér að neðan.

Útskrift 10. bekkinga í Akurskóla er kl. 14:00 föstudaginn 6. júní. Foreldrar og forráðamenn eru hvattir til að mæta með börnum sínum og eiga ánægjulega stund í skólanum þennan síðasta skóladag þeirra í grunnskóla.

Boðið verður upp á veitingar að loknum skólaslitum nemenda í 10. bekk.

Skóladagatal næsta skólaárs má finna
með því að smella hér!

[illegible]

Frá stjórn FFA

Starf FFA hefur gengið vel í vetur. Foreldrar hafa lagt sitt af mörkum með því að greiða félagsgjöldin en þau gera það kleift að hægt sé að styðja við nemendur skólans með ýmsum hætti. Við minnum þá á sem eiga það eftir að greiða félagsgjöldin sem eru 1500 kr en það er afar mikilvægt til þess að FFA geti haldið áfram með sitt góða starf sem er allt í þágu nemendanna.



Í vetur hafa flestir bekkjarfulltrúar staðið fyrir bekkjarkvöldum og öðrum uppákomum og foreldrar hafa mætt með börnum sínum eins og vera ber. Foreldrafélagið hvetur alla bekkjarfulltrúa til þess að vera virkir því það er svo miklu skemmtilegra þegar eitthvað er í gangi hjá bekkjunum. Einnig eru þetta tilvaldar stundir fyrir foreldra að hittast og ræða málin. Foreldrafélagið vill annars þakka foreldrum fyrir þeirra framlag í vetur.

Starf FFA hefur verið viðamikil nú í vetur sem fyrr. FFA stuðlar að og heldur utan um hina ýmsu viðburði í skólanum auk þess sem það styður við skólastarfið með styrkjum til skólans eða nemendur þess.

Skiptir foreldrastarf máli?

Rannsóknir sýna að samstarf foreldra og skóla hefur alltaf jákvæð áhrif á skólastarf.

Þar má nefna:

- Betri líðan barna í skólanum
- Aukinn áhuga og betri námsárangur
- Aukið sjálfstraust nemenda
- Betri ástundun og minna brottfall
- Jákvæðara viðhorf foreldra og nemenda til skólans
- Forvarnargildi - samstaða gegn hópþrýstingi

Úr kynningarbæklingi Heimilis og skóla

Vissir þú að Foreldrafélagið (FFA):

- Samanstendur af öllum foreldrum/forráðamönnum nemenda í Akurskóla.
- Á fulltrúa í skólaráði
- Er þrýstihópur sem getur gert góðan skóla betri.
- Keypti morgunmat fyrir 10. bekkinn þá daga sem samræmd próf voru þreytt.
- Var með jólaföndur fyrir foreldra og börn núna í desember.
- Styrkir 10. bekk vegna útskriftarferðar.
- Styrkir 7. bekk vegna Reykjaferðar.
- Hefur reynt að efla hlutverk bekkjarfulltrúa og virkni foreldra.
- Kaupir blóm vegna útskriftarkvöldverðar 10. bekkjar.

- Gerir námskeiðin Ég og þú, þú og ég að veruleika.
- Greiðir fyrir heimsókn rithöfundar í 1. bekk.
- Styrkti FFGÍR svo hægt væri að fá Þorgrím Þráinsson til að tala við foreldra barna í 8.-9.bekk.
- Fékk feðginin Selmu Björk og Hermann Jónsson til að fjalla um einelti.
- Styrkir nemendur til að komast á Skólahreysti með því að greiða hluta í rútukostnaði.
- Gefur nemendum Akurskóla sumargjafir að vori hvers árs.

Fyrir öllu þessu hafa frábærir foreldrar í Akurskóla staðið fyrir frá því í haust og enn á eftir að bætast við. Því fleiri foreldrar sem eru virkir því virkara foreldrafélag. Enginn getur gert allt en allir geta gert eitthvað og þegar margir vinna saman er gaman :)

Við viljum minna á að útivistartími barna eftir 1. maí er eftirfarandi: Börn 12 ára og yngri mega vera úti til kl.22.00 og unglingar 13 - 16 ára mega vera úti til kl. 00.00. Eftir fyrrgreinds tíma mega börn ekki vera úti nema í fylgd með fullorðnum.

Við viljum minna á Facebooksíðu FFA og einnig Facebooksíðu FFGÍR (Félag foreldrafélaga grunnskóla í Reykjanesbæ)

Höfum samband og komum hugmyndum á framfæri.

Hikum ekki við að koma góðum hugmyndum og athugasemdum á framfæri og mætum á fundi í félaginu okkar. Það eflir og styrkir tengslin.

Aðalfundur FFA verður haldinn á sal skólans þann 22. maí kl. 20.30. Við hvetjum alla til að mæta og taka þátt í fróðlegu og skemmtilegu starfi foreldrafélagsins.

Kveðja,
Stjórn FFA

Stjórn FFA



Halldóra Hreinsdóttir Formaður
 Anna María Jónsdóttir Varaformaður
 Hrefna Díana Viðarsdóttir Gjaldkeri
 Örn Ævar Hjartarson Ritari
 Þóra Guðrún Einarsdóttir Meðstjórnandi
 Kristín Þyrí Þorsteinsdóttir Meðstjórnandi
 Júlía Jørgensen Meðstjórnandi
 Aðalheiður Hanna Björnsdóttir Varamaður

Þökkum samstarfið

Starfsfólk Akurskóla þakkar nemendum og foreldrum fyrir samstarfið á skólaárinu sem senn er að ljúka. Skólasetning næsta haust verður föstudaginn 22. ágúst en nánari tímasetning verður auglýst í staðarblöðunum í ágúst nk. Við vonum að allir hafi það gott á komandi sumri og við sjáumst glöð og sæl næsta haust.



©2014 Akurskóli | Tjarnarbraut 5 260 Reykjanesbæ

[Web Version](#)

[Forward](#)

[Unsubscribe](#)

Powered by [Mad Mimi](#)®